

中國方志叢書·華中地方·第八〇一號

據

清·程芳修，鄭浴脩等纂
清同治九年刊本

影印

江 西 省

金谿縣志

(四)

成文出版社有限公司印行

金谿縣志卷二十七目錄

人物志九

義行

宋

洪少顏

元

吳

可子泰
發附

明

何有華

林玉

吳省初

徐裕後

張時和

子鐸附

黃

琦

劉伯喬

劉應楨

張

楠

華義儒

周

油弟進附

吳繼芳

蘇以義

徐積善

傅後湖

次湖三

車

貞

徐貴安

蔡時慶

蔡文清 張珪 汪應鰲 楊傑二 吳伯政

國朝

鄔之鳳 王彥臣 戴一祥 蕭文忠子復 汪松谿弟 林士龍

馮夢鷗 王宗粲 王霽 徐應諫 王邵 蕭復雲

徐子遠 胡廷佐 羅秉謙父光祥並見 陶士榮 王越

王瑚 熊徵典 江上楫 江涵 王國華 王明照

江家駒 鄭春城 黃觀光 楊英 黃湘子義 周紹廉

李道詮 胡忠佐 王文烜 周兆梧 傅秉昭子義和附 鄭嵩齡子謙附

張勝集 鄭惕躬父欽附 謝夢蘭 丁世璧 鄭嗣僑子公附 江映彩

胡國翰 張善培 王嵩一 李文開 高大桂 李位清

姚國子孫附 米延二 彭鴻猷 張旭華 鄭文彩 戴五輯

夏思誠子鈞 吳文青 劉光明 鄭若蓮 鄭士超 陳青蘅

王紳 于坤甫 王昉英 饒毓清 范廷棟 王奏績

唐享榮 單良謨 傅殿英 張允昌子和 熊景周子振 邱聖昭子元

王禹疇子尚 鄭作舟子元 劉煦子博 鄭作求 曾榮瀚 周文藻

楊懷修 楊慎修子振 周文煥 黃瑜 丁光燁 陳必達

車士玉 胡樹績子集 饒首占 樂怡堂 鄧文龍 張光彩

徐大椿 涂致和 王宗翰 陳文楷 李廷藻 傅金銓

周灝子輔 姜虞傳子虞 傅宣惠 余培基 周璨 王文傑子毅

胡式寅 姜奠川 劉弼宸 謝立榮 李襄 王彩仲

余匯清孫鵬 林建邦 彭洪川李式 莊鼎三 黃師憲子詔

胡仰震 朱崇典弟崇 羅為棟 王恒詔 傅謙 黃樹青

戴書田

周琦璧

子瑞

艾景開

謝鶴鳴

兄鳳

吳居簡

傅廷亮

徐文祥

彭金綬

周亮照

蔡管參

王丹桂

王新馳

吳雲

吳廷詔

熊士林

李丹暉

鄭觀光

曾繼勳

子

附瑞

吳金綬

洪

瑞

徐中和

蘇添爵

李茂南

弟汝

王洪謙

彭蘭堂

劉映暉

魏漣清

劉彝

王歡諱

周福書

邱青

唐誥

金谿縣志卷二十七

人物志九

義行

宋

洪少顏字企回三十六都人金谿初建隸止四鄉少顏疏請以鄰

郡三鄉割附谿邑經制便民朝議從之卒後勅葬南山里裔孫

子賓明天啟七年舉人業國朝順治十一年進士

辛未志

按辛未志載少顏歷官司空查宋史宰輔表無其名

癸未志原按

元

吳可字霽峰新田人天資英邁以詞賦雄士林咸醕間以登仕郎
試充漕貢進士爲人豪宕有氣骨入元後隱居不仕時儒生苦

役率同人鳴于大憲郡邑學得置士籍今稱儒戶實自至元十六年始皆其力也子泰發有雋才年十四奔赴部使辨父冤獄卒脫於難後服賈致養覆溺于三衢妻與氏以才節著

乙酉志

明

何有華字祥瑞里有東漕溪病涉者眾有華伐木造舟復割田以贍舟子名曰義渡宋濂爲之記

辛未志

林玉字克振林坊人邑庠孝事繼母人無間言景泰三年出粟一千五百石以助國用奉勅旌獎邑徐瓊贈之序稱其仁孝

辛未志

吳省初正統六年輸穀二千石助賑賜勅旌表

辛未志

徐裕後字石谿性清介嘗旅次夜拾百餘金俟三日得其失王概還之歲歉罄囊以賑後偶過一鄉見有堂列已名者詢之曰此

活我恩人因請入羅拜固辭而退萬厯間縣令給匾旌獎孫宏

績舉人

辛未志

張時和字伯溫橫源人性方正行事甚恕嘗推所有以給季弟歲饑捐粟發賑全活甚衆復置義田以贍族之貧者子鐸字宗孔繼父志割常稔田三百石以贍族人縣令林應麒匾其門曰尚義堂曰希范嘉靖三十一年部大款出粟助賑仍條陳救荒事宜隆慶二年再款復助賑爲閩邑倡府道獎給冠帶鐸尤善事親居喪旦夕悲號寢於柩側三年年七十八卒

辛未志

黃琦字白溪溪南人棄儒服賈以貲甲鄉里性爽直好施予萬厯十六年出粟百餘石賑饑踰年痢疾畢行復市川連和諸藥以救病者全活甚衆遇橋路頽圯必捐貲平治鄉人推爲長者十

九年瀘溪與金谿爭界兩邑令次界上旬餘不決聞琦名召而詢之琦爲辨別界遂定年踰九十猶日誦東平王爲善最樂之句以訓諸孫

辛未志

劉伯喬字南塘隆慶間邑中荒疫相繼捐粟千二百石賑饑市有疫死者施棺葬之署縣事畢申請給匾旌獎

辛未志

劉應楨字繼塘伯喬子積德好施有父風鄰有曾德者無子多所負欲賣妻以償應楨歸其券併爲代償他負其妻獲全並舉子萬厯間歲歉輸粟千石賑饑縣令唐舉爲鄉飲賓

辛未志

張楠字文臺橫塘人事繼母孝尤喜周人之急貧不能償者輒焚其券嘗晚出遇盜牛者贈之金勸其爲善其人卒改行寢疾時猶割腴田百畝爲義田以贍族里

辛未志

華義儒字南山城塘人景泰三年捐穀八百石賑饑所活甚衆有

司以聞朝廷嘉其義詔賜冠帶仍立碑以旌

辛未志

周廸亥十四世孫與弟進世居武廣讀書過目成誦兄弟俱以豪

俠名歲大歉各上穀三千石備賑朝廷勅褒勞以羊酒蠲其差

徭匾其堂曰雙義

辛未志

吳繼乃字子實厚田人歲大饑出穀七百石助賑大吏以聞特命

爲廣東惠州掾

辛未志

蘇以義字義元北市人天性孝友文試不售挾賢遊楚日與楚文

士相磨和已而通貧者衆聞父疾卽召負者焚券以歸萬厯中

歲大饑設粥賑貧者多從來貸傾囊以應不足併謀諸婦出

釵環給之所活不可勝數卒年八十七孫汝霖別有傳

辛未志

徐積善字功厚蒲塘人好學飭行尤喜施予洪熙元年郡大飢捐

穀四千五百石助賑郡守王崧知縣王勲詳奏建坊表之

癸未志

傳後湖次湖三湖中洲人兄弟同居友愛甚篤正統六年歲大饑

捐穀萬石以賑全活甚衆有司上聞特徵其家長赴京授以官

固辭不就賜宴光祿旌其閭曰義門邑人王英贈以詩

癸未志

車貞字用正泰從叔正統七年歲飢輸米貳千石助賑詔旌爲義

民景泰四年復以助賑賜冠帶

癸未志

徐貴安猗坪人景泰四年邑大饑捐穀一千五百石助賑大吏奏

聞賜勅獎爲義民建坊旌表

癸未志

蔡時慶羅源人隆慶三年邑大饑捐白金一千兩助賑巡撫陳題

請旌表建尙義坊

辛未志

蔡文清東城人幼穎慧年十三試輒冠軍凡中副榜三族有貧賣妻者文清粥產以全其偶拾人遺金密訪還之族人與鄰閔文清止之曰鄰好不可傷也出金代爲修睦辛未志癸未志增

張珪紫嶺人郡庠嘉靖十九年輸穀二千石助賑賜勅旌表乙酉志

汪應鰲字元占林泉人尙氣誼萬厯間爲諸生有聲平居以睦族爲務子弟貧不能讀者贍之不馴者約束之賴以成材者衆明

季土寇蜂起所至殘掠應鰲聯絡鄉人互爲堵禦里賴以安他

如新祖廟興義渡創文昌閣皆身任其事鄉黨敬服乙酉志

楊傑二印山人家富而好義正德間頻年歲歉復東邑盜起民多流亡傑二輸粟五千石以濟飢民同郡臨川李伯美東邑吳大行皆慕義興起各輸粟二千石鄉人賴之事聞賜八品冠帶徵

入都賜宴光祿一時稱榮焉

戊申志

吳伯政字德長榭喬人明景泰間邑大饑助賑穀千石大吏申奏
敕獎立碑

國朝

鄔之鳳字瑞伯左坊人弱冠爲諸生性慈仁順治五年避寇山谷
兵退見一人傷於兵氣息微屬之鳳舁歸延醫調治詢其家世
知爲臨川傅文華居半月創始平文華泣謝曰再生之德難以
身酬之鳳曰第汝活我心安矣奚謝爲遠近皆稱之

辛未志

王彥臣字廷秀城西人有里役携銀納官糧悞遺於道爲彥臣所
拾候至暮遺銀者哭至慰而還之嘗居東谿莊適遊騎掠野羣
小兒怖泣道側彥臣不忍若等流離爲隊長乞恩隊長感焉遂

嚴飭諸卒悉縱所掠兒而去時災旱粟湧貴彥臣以羣兒入莊
令曝簷下哺以粥夜則同宿積穢中溫之如是者累日其父兄
爭來識認携歸所全活無算

辛未志癸
未志增

戴一祥字止我邑庠生嘗遣僕往鄉索負僕遇暴疾死鄉人驚恐
無措一祥溫語慰之并焚券以安其心值歲歉捐金粟以濟飢
寒全活無算邑馬政久爲民累一祥憫之與鄉先達公議帮馬
白令請詳大府編入條例至今稱良法焉

辛未
志

蕭文忠字敬元丁坊人幼而嗜學潛心史至老不輟事親孝親
沒終身不近甘旨又好義不吝於財鄉有虎患鬻山搗穴患遂
息康熙十三年間寇蹂躪男婦被掠哀金贖數十人歲饑出粟
活人以百數子復鄧以貢生授安仁教諭日以學行飭士子士

皆感佩年逾六十疾終官舍閤邑哀之

辛未志

汪松谿字星若弟竹谿字漢若林泉渡人兄弟以孝友稱尤勇於爲義康熙十三年耿逆之變冠出建昌駐邑之長與里所過成邱墟時松谿兄弟方弱冠團聚義勇爲死守計鄉里恃以無恐四十三年大旱米穀騰貴松谿與弟買舟趨長沙糴穀賑饑其利居背河上接瀘溪下通許灣每春夏暴漲田廬漂沒無算松溪築石堤若干丈三年而後成遠近皆頌其德

辛未志

林士龍字乘御林坊人性孝友捐貲千餘金改建石橋行者利之今所稱林坊橋是也年八十四卒子道宏道煌皆有傳

辛未志

馮夢鵬字上言詞源人邑庠生讀書無師授斷以已意時能脗合古人爲邑倡行保甲設兩限輸稅之法臨川李紱爲作免役法

記晚歲杜門著書以終子謀詠謙皆有傳辛未志

王宗榮字逸才臨坊人弱冠爲諸生事繼母以孝聞康熙十四年
閩變賊入境擄男婦宗榮出金以贖完聚無算四十三年歲祲
買穀賑饑年七十有九未嘗一至訟庭子來輔舉乾隆三年鄉
試辛未志

王霖字禹忱臨坊人舉雍正四年鄉試以父郁多疾禮闈試畢亟
歸省視抵家數日而父卒居喪哀毀爲族黨所稱十一年歲饑
有鬻妻以活其母者領囊贈之俾完聚生平以武侯淡泊二語
銘諸座右未仕而卒辛未志

徐應謀字澹園猗坪人幼孤貧唯母是依長賈津市不數載頗稱
饒裕雍正四年津市患水漂沒者以百計無歸者以千計應謀

惻然出貲七白金葬埋其死者拯救其生者一時人士咸以詩

章頌之

辛未志

王邵字周九監生臨坊人四齡喪父哀毀如成人母以孝聞年四十尙艱於嗣康熙庚子赴省試歸途遇一婦持其夫大哭問其故夫以貧乏將嫁告遂取餘貲補其夫乃復完聚及歲暮族有負債鬻妻者邵聞之急贈數十金償其負後舉九子咸有聲

庠序

辛未志

蕭復雲字壽侯丁溪人由庠生入太學性忼直好施與族黨孤貧者給田贈金恩義周浹嘗設立義倉康熙六十年大旱出粟活數百人雍正九年十年間復困於水飢者腐至人給以粟鄉里

德之

辛未志